

大德重校聖濟總錄卷第一百九

十五

符禁門

符禁統論

持禁總法

行符總訣

咒禁掌訣

護身法叙論

咒令童子說鬼法

禁鬼邪法

禁溫疫法

禁瘡法

禁尸注法



符禁門統論

論曰上古移精變氣祝由而已黃帝官能有唾癰咒病
之任周官瘍醫掌祝藥劑殺之齊以祝爲治首廼知祝
禁之術治病良法仁政先務也夫血氣者人之神不可
不謹養養失其道亦必以至神治之觀易坎爲血卦血
爲大赤則血氣流行精神潛運於其中故心藏神血舍
神神全則氣王氣王則血脉和通疾無自生逮其嗜慾
汨昏思慮攻耗外邪襲虛而投隙精神氣血離守而交
戰須臾之間變態百出齊人謂桓公之病公則自傷鬼
烏能傷公蓋言神先受也於此不有至正之法以去其

邪雖藥石其如病何況言爲心聲書爲心畫以夫精誠
交感寓於符祝聲畫之間若微而至妙若粗而甚精豈
特神仙道家之陳迹耶是以持受之道欲齋戒致一俾
外物不得而蹈其舍然後能使鬼神呼召風雲雖踏
火入水曾無焚溺則施諸治病爲餘事苟爲不然神氣
不守徒區區於聲音顏色且曰道術在是猶象龍致雨
蓋亦難矣然則同爲符祝用之有應否者特在於正與
不正之異耳今故具載其術而冠以持受之法使學者
得於聲畫之間而究其所以然者是迺神之微也

持禁總法

論曰上古有祝由之法移精變氣推其病由而祝之則
病無不愈今之書禁卽其遺文焉制而用之存乎法推
而行之存乎誠示之以心畫則莫如符攻之以說禱則
莫如祝指掌之間執持有目則謂之印五者備矣舉而
措之施諸治法何適而不可哉語病之由當原其本氣
何由而平病何由而生真有所虧邪有所襲皆生諸疾
祝由之理祝此而已謂夫彼受於邪由精神不守所致
故在我者當專心誠意以持之欲致其誠先齋心戒事
以神明其德然後秉印用符兼以詛祝而爲持禁之道
真足以勝邪其應如神矣苟非其誠道不虛行傳不云

乎至誠如神其斯之謂歟

千金翼持禁齋戒法神醫普救方同

神仙經曰凡欲學禁先知五戒十善八忌四歸皆能修治此者萬神扶助禁法乃行

五戒者

一曰不殺

二曰不盜

三曰不淫

四曰不妄語

五曰不飲酒嫉妬

十善者

一濟扶苦難

二行道見死人及鳥獸死者皆

埋之

三欽重鬼神

四不行殺害起慈憫心

五不憐富增貧

六心行平等

七不重貴輕賤

八不食肉酒五辛

九不淫聲色

十調和心性不乍嗔乍喜

八忌者

一忌見死屍

二忌見斬血

三忌見產乳

四忌見六畜產

五忌見喪孝哭泣

六忌抱小兒

七忌共女人同牀

八忌與雜人論法

四歸者

一不得著穢污不淨潔衣服

二不得惡口咒詛罵詈

三不得共人語詐道稱聖

四不得飲酒食肉殺害無道違卽神通不行

又云

不得穢處誦禁文

不得與不信人不禁

不得向人說禁法

不得穢汚手執禁文

不得與雜人誼戲

不得輕說神明

不得嗔打六畜及人

不得乘車馬

有此滿三事則禁道不行能不犯者其禁大驗

經曰若屨城邑汚穢者當用此方

竹葉拾兩

桃白皮肆兩

柳白皮肆兩

右三味以水一石二斗煮之一沸去滓浴身百穢消
除又辟溫瘴瘡瘍此法天仙下游旣返之日未嘗不
用此方解穢也至於符水咒漱及外舍之近術皆不
及此方若能常用此湯澡浴者益佳惟不可洗目也
紫微王夫人勅水洗目得清淨法

咒曰濁不穢形死不如生摩掌慧目三遍令我長生青
龍在吾左白虎在吾右朱雀在吾前玄武在吾後神禁

勅水除塵垢急急如律令

一法解穢禁水曰 東流之水滑如苔中有主君與三台某甲穢汚蕩除急急如律令

受禁法

神仙經曰陽道強堅而易歇陰道微軟而久長聖人閉口萬物可藏迴轉青白改易陰陽應言不言神明相傳應語不語神明相與故萬法閉口藏身之禁萬法流行五藏神明衆人游戲而我獨住衆人浩浩而我獨靜衆人言說而我獨嘿此行禁之道畢矣

仙經曰凡受禁之法當先齋戒百日精心不行滌慾惟

得清淨沐浴著鮮淨衣口常不出惡言罵詈精思淨念勿生異想一如前章仍更七日之中閉口不共人語乃

可受之

正月一日

三月三日

五月五日

七月七日

九月九日

三年之中三遍於此月日受之并一心持齋戒不犯則行禁其驗如神

正月一日受法

正月一日平旦寅時清淨澡漱在無人清淨之處著鮮淨衣不得令一人輒見燒衆名香正面向東禹步三匝

勿迴轉長跪讀啓度文曰上啓三師神童玉女大醫大醫盧醫一切諸師太上老君諸仙神王日月五星二十八宿北斗三台諸神仙官屬諸大神王咸知弟子某甲受持符禁之法願濟拔衆生苦難除毒消邪辟却姦惡萬事如勅急急如太上老君律令

都受禁文曰

想東方木禁在吾肝中

想西方金禁在吾肺中

想北方水禁在吾腎中

想中央土禁在吾脾中

想左青龍右白虎前朱雀後玄武天師禁駕無事不苦

東王公西王母道吾禁有隨當止急急如太上老君律令訖還誦所得禁文各三遍禮一十二拜仍更七日勿共人作一言及惡罵詈等語七日勿洗手面

三月三日受法

三月三日平旦寅時至東流水上正面向東立端心正意讀前啓度文如正月法并啓江河四瀆一切水官四海大龍王願知弟子某甲受持禁法願大神王立契訖誦所得禁文各六遍禮九拜

五月五日受法

五月五日正中午時在靜處燒香正面向南立讀啓度

文訖誦所得禁文各三遍禮十二拜

七月七日受法

七月七日雞鳴丑時在靜處燒香正面向西立讀啓度文訖誦所得禁文各三遍禮七拜

九月九日受法

九月九日人定亥時在靜處正面向北立盆盛水口銜刀啓讀度文投香火長跪誦所得禁文各三遍禮九拜此五日處法用一如正月法惟所向方及拜不同耳

太白仙人受法

四月一日齋戒至八日立道場四面垂幡蓋燒香然燈

啓醮五方五帝五方禁師五方吞精啖毒夜叉神王願

知弟子某甲受持禁法咒訖誦所得禁文各三遍七日

齋戒

同力受禁法

候初雷發時舉目看雷右手把刀以左手摩之咒曰助我行禁振聲如雷吼萬毒伏閉氣待雷聲盡訖七日齋戒不出言一本云候初雷時眼所見物隨便把取唱言聲如雷萬邪皆怖畏待雷聲盡乃棄之一云口銜刀手

口如毒手如毒聲如雷吼云云

神仙王受禁法

候鷺初來時仰頭看之以手按地云口如毒以鷺去不見乃止此等潔淨齋戒一如正月無別乃至七日不洗手

天帝太一受禁法

初受禁時在寂靜無人之處數有設案燒香正面向北方閉口並足正立左手持刀依式思存青龍在左白虎在右朱雀在前玄武在後北斗七星覆頭上柄指前次思東治大禁師願持兵萬石趙候驃騎大將軍蘇平南公八部將軍七十二禁師陳師趙師直符小吏直日童子謾直今日不得以左爲右以前爲後若有倒錯卽依

使者法律科罪之急急如律令如此陰念三遍然後禹步三匝至香火前叩齒三遍咒曰東方青龍銜水來南方赤龍銜水來西方白龍銜水來北方黑龍銜水來中央黃龍銜水來悉投杯中三台三台此水非常水先除天穢地穢三十六穢某甲身穢淨除之急急如律令三遍咒訖以水洗目并噴嚔四方上下餘水自飲之洗腹內令淨想又讀前啓度文然後長跪誦所得祭文各三遍訖禮四方各再拜卽成神驗刀子水盆不得用曾經酒肉五辛者

又一法

正月一日東方明星出時洗浴在清淨無人之處白茅
爲藉置坐設案燒香火鍾盛水井華水洗面目正面東
向並足立先舉左手呼青龍次舉右手呼白虎前行呼
朱雀後行呼玄武訖依前左手持刀次第思神師曰符
禁同法更無別法也若欲受符印者以帛若袋子盛挂
著左手指勾之而攀水鍾閉氣禹步依法次第咒請有
効也

七星受咒法

正月一日

三月三日

五月五日

七月七日

九月九日

先以香湯洗浴取東流水以未經用瓦器盛之乃誦所
得禁文咒一遍受人自洗浴於曠野無人之處以淨草
爲坐以瓦器盛水七盞作七星形北向云謹啓七聖真
君弟子某乙願持禁法禁斷邪惡鬼毒之氣救理人民
伏願降真氣流布臣身令臣所行符禁應聲除差應手
除愈次第飲前件水各少許餘洗手不得手捻不淨之
物卽有大驗

黃帝越禁受法

黃帝曰凡受符禁者皆清淨齋潔百日不得近死亡產
乳房室三年之中三度

正月一日

三月三日

五月五日

七月七日

九月九日

以上五日夜靜衆星之下置神坐設案燒香鍾盛水持淋刀北面叩齒捻三師目次第思神訖禹步三匝長跪讀啓度文又誦所得禁文各三遍神驗水鍾不用曾盛酒肉五辛者臨欲越時朱書帛素上左手持之捻目陰誦咒之欲行禁時閉氣朱書白素紙上右手持之捻目陰誦咒之

雜受禁法

正月一日未出寅時

三月三日辰時

五月五日午時

七月七日申時

九月九日戌時

壺
軒

正月受一年用

三月受一春用

五月受一夏用

七月受一秋用

九月受一冬用

右每年常依此日受之法不得飲酒食肉五辛芸薑乳酪酥蜜心懷憫念願救護一切生靈不作艱難不求財物但作此心下口卽差萬不失一受法用前月日先以清淨丹華水沐浴上下衣服一切鮮淨清齋七日至其日先以丹華水澡浴漱口燒香禮五方五帝各五拜訖

正面向東炁香端立淨器盛井華水置傍誦所得禁文
各二七徧訖口含水仰噴五方或取洗手面訖向東方
吸青氣想入口中七吸次向南方吸赤氣次向西方吸
白氣次向北方吸黑氣次吸中央黃氣皆作七吸入腹
想訖更禮五方各五拜訖後作兩月持齋戒得作禁想
不得作一切諸惡行受訖卽成禁法器物不得用曾經
盛酒肉五辛者

凡欲勅水思神法

向月建王氣立先叩齒三下噓吸閉氣存思左目爲日
右目爲月思東方甲乙木配肝爲青龍次思南方丙丁
火配心爲朱雀次思西方庚辛金配肺爲白虎次思北
方壬癸水配腎爲玄武次思中央戊己土配脾爲騏驎
皆須向月建王氣思之在水中思得氣訖神童玉女在
左右便思日氣在水中便三右管水三噓咒曰

水在井中爲井水水在椀中爲椀水神師咒水爲神水
水入腹中爲具水水入咽喉開大腹下流膀胱交絕衆
邪滅絕萬病盡令出今月直符某甲齋水持符人其身
中治所患處令有効信急急如律令

服解穢符勅水洗萬穢咒



謹請污官諸神湔浣濁夫人解除百穢天下之穢地上

之穢產生之穢疾患之穢牢獄之穢死喪之穢葬送之
 穢道路之穢忻顏之下鼻口舌目耳門十指爪甲脛膝
 踝五臟六腑腸胃肝肺百萬之穢皆隨水出去謹請勅
 藥厨六人海水二人佐水為洗撤右千汚萬穢皆停速
 去身體清淨直氣補處急急如

太上玄都律令

勅解穢水符咒曰

仙人沐浴氣芳芳洗蕩陰穢盡消亡急急如律令
 普救方解穢符十一道




𠄎	𠄎
𠄎	𠄎
𠄎	𠄎
𠄎	𠄎

𠄎	𠄎	𠄎
𠄎	𠄎	𠄎
𠄎	𠄎	𠄎

𠄎	𠄎
𠄎	𠄎
𠄎	𠄎

𠄎	𠄎
𠄎	𠄎
𠄎	𠄎
𠄎	𠄎



右件符經污穢著水中用洗而

千金翼禁法大例

神醫普救方同

論曰用禁大例誦禁文必不得出聲令自耳聞聲若聞之名爲咒卽禁法不行行之無益慎之慎之受禁之時不得令人畜等一切見之見之卽不成受法時刀及水盆皆不得用曾經酒肉五辛者

神仙經曰對治禁萬病擊同類

逢水難土王擊之

逢土難木王擊之

逢刀難陽精擊之

逢鬼難桃湯擊之

逢虎難五常氣擊之

萬病擊同類對治皆持刀持挑持火持鑑持水持繩持

藥持符持戟持弓持箭持弩持食持坐持粉持意持神
持想持氣持畫持石持土持鹽持幡持脂持肉持血持
麩持金持玉持印故其法皆禁擊之所須用禁之法有
請有告有祭有害善神即飲食祭之住有殺有畏有愛
有喜有惡有死有走有住有滅是故對治用時各各條
例仙經曰用禁有六法一牙齒禁存意氣至牙齒二營
目禁開一目閉一目三意想禁存意以去想諸疾以除
四捻目禁謂手上有一十五目五氣道禁謂吹呼呵噓
嘻咽六存神禁存諸神在以食醮祭之感天靈氣至又
鳴天鼓叩齒是也

凡爲人請療疾出門三步咒曰

天殺皇皇地殺正方千鬼萬神誰復敢藏飛步一及百
鬼滅亡急急如律令

若至病人家先當解穢卽作五龍水法手持水椀咒曰

東方青龍含水來

南方赤龍含水來

西方白龍含水來

北方黑龍含水來

中央黃龍含水來

五方五龍吐水沒殺邪鬼急急如律令訖叩齒三通咒
曰神水解天穢地穢生穢死穢人穢鬼穢身穢病人之
穢速除去之立令清淨急急如律令三噓三叱以刀右

攪三迴以右足跟蹴地三下含水四方噴之及噴病人上盡令清潔然後按法思神行禁又存氣至牙齒令住閉一目存意已去卽捨目然後用存七星在其頂上存青龍白虎朱雀玄武來護身存大神在其前後五星存之腹內吐氣存如雲擊彼處令如徐行行步法乾坤如此行禁卽外邪不入五藏神明自通仍皆須審之萬不失一又法欲向病人家當須存想作白虎吐火燒病人家屋舍皆令蕩盡又作龍舐病人身肉令盡還作充滿悅澤然後用氣急治之欲擊物一一皆如是此令行禁神明萬物皆神効驗須精審之若唾熱病以冷氣吹之

二七然後禁之若唾冷病以熱氣呵之二七然後禁之三唾之後行禁禁後三唾乃放之仙經曰受符禁同法先當修身潔已安魂定魄口勿妄言潔齋百日可致神仙辟逆惡氣除滅災祥可以長生

行符總訣

論曰不精不誠不能動人而况祝由之法勅水鍊符攘辟眾邪者乎要在澡雪其心蕩滌諸惡毋飲酒毋食肉毋嗜五辛羶臊之物毋罵詈毋嫉妬毋萌汙穢淫泆之事凡欲必精必誠斬于有以感通而已故曰子欲養身先存其神之永保不受邪精古之人以此貫金石踏

水火無入而不自得也然則以正却邪呼吸鬼神感召
吉祥宜其有明効大驗

普救方書符總法

先燒朱砂一兩細研入鐵合中以鐵條束定六一泥泥
合勿令通氣便以武火斷合子與火色同卽出候冷更
研用書符天師曰凡書符法先勅水鍊神皆閉氣書之
如符大想氣可含水書之

凡欲書符先取乳香四銖別研合細合朱砂末於淨器
中淨水調之用淨筆書之凡欲作符用羅或絹書之量
符大小以手裂之勿用刀割書服用細紙佩帶悉白

素若符有注用色物及用丹書或注某寸數而用之厭
鎮符中或不注所用者皆是走書用桃木板長一尺厚
三分書符旦空腹受三呼三吸三叩齒天符勿得近齒
凡欲作符先擇良日備具香火朱奏陳於坐所先勅筆
管中符內管中次書百靈者符安蓋下次書都匠符一
名都錄符自吞訖始得爲人書符及自書復有大都錄
亦名都管常以每月一日書服之行符有驗凡欲書符
不得私與人語閉氣爲良並依訣用氣數節度書之別
有祕訣文又作護身求官登山遠行等符不須勅筆鍊
符用佗筆凡欲行符勅水皆須向王方左手執符右手

持水當閉氣思爲所佩籙中治病勿曹君吏兵收邪食
毒吏兵真人之氣以覆符然後勅訖閉氣叩齒三通咒
曰行符真人直符使者行符君吏隨某符而行急急如
律令三噓之令受者禮拜受之服符卷字向裏九向王
方吞之吉

勅筆法咒曰

今日直符今時直符吾是老君之孫太上之子走行天
下太上使勅符筆療百病隨符而已男女某乙被病患
某處痛請受神符遂鬼却害百病除差急急如律令
作符禁忌法

天師曰凡欲爲人作符及自書並不得飲酒食肉五辛
羶臊之屬口無罵詈心除嫉妬勿經穢汚死屍產婦房
室等事先須沐浴著淨衣燒香齋戒七日審看年月日
時取其吉方王相天醫所在衆福皆同不當諸惡然後
始得書之無不神驗若值歲月相衝日時相尅更加殃
咎終無驗効

又法

天師曰唯有急事疾患過重不暇待吉日直避十二時
又取太上還治時向天醫治佩之吉天醫上符亦禁忌

歲天醫

寅年 在巳 卯年 在午 辰年 在未

巳年 在申 午年 在酉 未年 在戌

申年 在亥 酉年 在子 戌年 在丑

亥年 在寅 子年 在卯 丑年 在辰

月天醫

正月 在丙 二月 在亥 三月 在壬

四月 在庚 五月 在壬 六月 在亥

七月 在壬 八月 在申 九月 在丙

十月 在申 十一月 在卯 十二月 在午

日天醫

甲巳日 在卯 鬼 在未 乙亥日 在亥

鬼 闕 丙辛日 在酉 鬼 在子

丁壬日 在未 鬼 在酉 戊癸日 闕

鬼 闕

右天醫師位上來者吉鬼位上來者凶

月忌所在法

正月不向東 生氣在子 死氣在午

二月不向北 生氣在丑 死氣在未

三月不向西 生氣在寅 死氣在申

四月不向南 生氣在卯 死氣在酉

五月不向東 生氣在辰
死氣在戌

六月不向北 生氣在巳
死氣在亥

七月不向西 生氣在午
死氣在子

八月不向南 生氣在未
死氣在丑

九月不向東 生氣在申
死氣在寅

十月不向北 生氣在酉
死氣在卯

十一月不向西 生氣在戌
死氣在辰

十二月不向南 生氣在巳
死氣在亥

右月忌所在向生背死者吉

月不向治病者

寅午戌月不向北 亥卯未月不向西

申子辰月不向南 己酉丑月不向東

右月向法治病者並凶慎勿用之

月生辰法

寅午戌月在午 亥卯未月在卯

申子辰月在子 己酉丑月在酉

右書符向之吉

四季忌法

春三月寅午戌凶 夏三月己酉丑凶

秋三月申子辰凶 冬三月亥卯未凶

右四季忌日大凶作符者避之

六旬職遺治時法

甲子旬使促氣功曹 申時太上還時

甲戌旬使治病功曹 酉時太上還時

甲申旬使天直功曹 辰時太上還時

甲午旬使正一功曹 丑時太上還時

甲辰旬使中部功曹 申時太上還時

甲寅旬使直使功曹 平旦太上還時

右六甲旬曹治病使之太上還治時凡人作符用此時燒香祝願病者獲愈所向大吉

十干忌時法

甲乙日寅卯治病凶 丙丁日巳午治病凶

庚辛日申酉治病凶 壬癸日戌亥時治病凶

戊己日午未時治病凶

右十二月日支干書符吉按文用之

十二月干厭曆

正月

甲吉 乙吉 丙吉

丁害人者一 戊宜子孫 己害人者一

庚吉 辛吉人者一 壬害人者一

癸吉

二月

甲害人者一 乙闕

丙吉

丁害人者一 戊吉

己吉

庚吉 辛害

壬害人者一

癸吉

三月

甲闕 乙吉

丙害人者一

丁吉 戊宜財

己吉

庚害人者一 辛吉

壬害父

癸吉

四月

甲害三人 乙吉

丙吉

丁吉 戊吉 己吉

庚闕 辛吉 壬害五人

癸吉

五月

甲害父 乙吉 丙吉

丁害人者一 戊吉 己宜財

庚大富 辛吉 壬害九人

癸吉

六月

甲害人者一 乙吉

丙吉

丁吉 戊吉

己增財

庚宜子孫 辛吉

壬害人者一

癸吉

七月

甲吉 乙吉

丙闕

丁吉 戊吉

己利財

庚吉 辛吉

壬害五人

癸吉

八月

甲吉 乙吉

丙吉

丁吉 戊吉

己宜宅

庚吉 辛吉

壬害父

癸吉

九月

甲害九人 乙吉

丙吉

丁吉 戊吉

己吉

庚吉 辛吉

壬害人者一

癸吉

十月

甲害九人

乙吉

丙吉

丁吉

戊吉

巳元闕

庚吉

辛吉

壬害人者一

癸吉

十一月

甲害人者一

乙吉

丙吉

丁吉

戊吉

巳吉

庚吉

辛大富

壬害人者一

癸闕

十二月

甲害九人

乙吉

丙吉

丁吉

戊吉

己吉

庚吉

辛吉

壬害二人

癸吉

支厭曆

正月

子無後

丑害九人

寅害人者一

卯無後

辰吉

巳吉

午吉

未吉

申闕

酉吉

戌吉

亥吉

二月

子吉

丑害九人

寅吉

卯吉

辰吉

巳害九人

午吉

未害九人

申害九人

酉吉

戌害人者一

亥吉

三月

子吉

丑害九人

寅吉

卯吉

辰吉

巳害人者一

午無後

未吉

申害人者一

酉無後

戌吉

亥害九人

四月

子害九人

丑吉

寅無後

卯吉

辰吉

巳吉

午害人者一

未吉

申吉

酉大富

戌無後

亥害二人

五月

子吉

丑凶

寅害五人

卯害人者一

辰吉

巳吉

午吉	未害九人	申吉
酉大富	戌無後	亥害九人

六月

子害父	丑吉	寅吉
卯吉	辰吉	巳吉

午害人者一	未害九人	申害八人
酉吉	戌無子孫	亥吉

七月

子害九人	丑吉	寅害八人
卯吉	辰吉	巳吉

午吉	未害九人	申害八人
酉吉	戌無子孫	亥吉

八月

子吉	丑吉	寅吉
卯害人者一	辰吉	巳吉

午吉	未害九人	申害三人
酉吉	戌害人者一	亥吉

九月

子吉	丑吉	寅吉
卯吉	辰吉	巳吉

午吉

未害九人

申吉

酉吉

戌害九人

亥吉

十月

子吉

丑吉

寅吉

卯吉

辰吉

巳害九人

午害四人

未害四人

申無後

酉吉

戌害三人

亥無後

十一月

子吉

丑吉

寅吉

卯吉

辰害二人

巳害九人

午害人者一

未吉

申無子

酉吉

戌害人者一

亥害九人

十二月

子吉

丑吉

寅吉

卯吉

辰吉

巳害九人

午吉

未吉

申害六畜

酉吉

戌害三人

亥害九人

右十二月支干書符吉凶按文用之

十二月直符直事神君

正月直符 審辟歷 直事 玉女許容安

二月直符 五帝將軍 直事 玉女景陽清腰

三月直符 審南教 直事 玉女丹升珠

四月直符 天帝功曹 直事 玉女朱鄉安

五月直符 大威士 直事 玉女桂枝一名天丹

六月直符 孫明達 直事 玉女當

七月直符 天帝左承 直事 玉女月支

八月直符 天帝左尉 直事 玉女娥容志

九月直符 北辰畢土祀 直事 玉女聃支

十月直符 天帝右尉 直事 玉女孟丹陽

十一月直符 天帝河伯 直事 玉女衡泰

十二月直符 太白黃使者 直事 玉女程文

右件十二月直符直事呼之自隨行來治病勅符一切呼之

十二時直符神名

子時直符 戶巳陽 丑時直符 支干陰

寅時直符 餘干陽 卯時直符 像人

辰時直符 餘純陽 巳時直符 除趙陰

午時直符 右光陽 未時直符 徐我陰

申時直符 彭陽問陽 酉時直符 傅伯陽

戌時直符 蕪陽蕪陽字賢肯陽 亥時直符 支干陽

右件十二神直符呼之自防并治病料符呼之吉

六丁行符玉女書符呼之法

丁丑玉女 順氣 丁巳玉女 開之心

丁未玉女 寄房 丁酉玉女 得喜

丁亥玉女 曹漂之 丁卯玉女 足日之

右件六丁行符玉女書符呼之吉

行符受符忌食月建獸肉法

凡欲行符及受符皆不得食十二時辰會獸肉如不能斷得卽直日辰肉莫食犯者呼召神不來無劫戊辰戌日不帶符法

凡戊辰戌日不得帶符皆道父道母忌日勿用之

天師書符軌或祝更祭符法

正月上卯 三月上巳 五月上未

七月上申 九月上酉

養身書符法

大師曰子欲養身先存其神神之永守不受邪精邪精不入乃得長存勤密修行慎勿輕傳先須潔淨清齋燒香啓願次勅水解穢訖三密念老君名字又以左手捻都監斷鬼目次直年直月直日直時直符直事神皆三呼其名給走使某甲子歲直符某甲書符訖錄符時呼

其名

甲子王文卿從官十八人符使天季二人神將執
明旬玉女月光旬吏陰阿君

甲戌展子江從官十四人符吏天陰二人神將弓
隆旬玉女登姑旬吏張不暉

甲申扈文長亦名文卿從官十六人符吏從行二人神
將監兵旬玉女開明旬吏程子恩

甲午衛上卿從官十八人符吏天償二人神將陸
光旬玉女漢嬰旬吏杜除君

甲辰孟飛卿從官十四人符吏天雄二人神將天

禽旬玉女嬰臺旬吏公孫太君

甲寅明文章從官十二人符吏天綱亦各二人神

將孟章旬玉女登豈旬吏徐君望

石六甲神將從官符吏玉女行符呼之吉

咒禁掌訣

癸巳 神女嬰 癸未 神管

癸酉 神女 癸亥 神女金光

勅鍊符咒法

今日某乙欲行某符君爲直日爲吾走使頭戴繡冠正
入天門急急如律令

鍊筆總投符於香中鍊之又勅曰今日甲子王文卿從
官十八人符吏天季二人神將執明旬玉女月光丁卯
玉女足日之旬吏陰阿君餘皆倣此直日乙丑麗季卿
從官十八人符吏天仲二人等君爲直日爲吾走使頭
戴繡幘正入天門

開都咒符文

天使行符臨道都左鳳皇十二將軍使

西嶽真人主簿傳符邪鬼妄行其驅急急如律令

咒禁掌訣

論曰人惟萬物之靈而身者度之所自出况指掌之間

生而有文布以知寸天象地理運轉周流人神百鬼禽
獸妖怪各有其目乃諸法之所會也凡持咒行符要明
指訣又明掌訣必識度之所在然後施諸攘辟無一不
神苟差之毫釐多見其勞而無補矣

普救方手訣法

此手訣者田野于厭百精攻房廟法入太清中定出此
訣使人利害有嫉逆之事若以其常存此訣依手中目
甲爲之皆轉上下有次第至其目處皆須一吸而存物
精入其目所當急急甲之事久未了能常可生未點記
緋綿繫縛處閉氣取墨書已朱封其目點之甚有良驗

手訣誦咒曰


天爲吾父地爲吾母黃帝天傳訣治醫吾頭如皇天不
訣自元肺脚如馳不行履至訣訣如太上三師老君律
令捻目法青龍在手第三指第二指節青龍目第二指
捻死喉大指捻青龍目同第四指捻天井第五指塞鬼
道諸渡江河襪火氣踏湯粉火解作自諸所治百病並
同此自禁存神思見本師三五將軍在前收白虎交乾
目者以大指捻第二指并三共安大指上合急以第五
指塞鬼道呼召交乾白虎之起白虎召喚厭百怪治伏
厭百事却口舌咒詛軍陣兵戰皆伏藏之卽伏要須師

口咒令吉卽吉令凶卽凶真武目大指捻真武目第四
指捻天井穴第五指塞鬼道諸厭鍊召制鬼神禳兵却
陣諸所伏物皆用此訣朱烏目以第二指捻死人喉大
指捻朱雀目第五指捻鬼白請召阿羅魔令人鬪亂之
事能厭口舌欲起卽起欲伏卽伏隨師口訣生人喉主
厭官禁奴婢逃走禳兵攻陣所有盜賊生人厭禱咒詛
所有謀成功議胡入成功伏百姓戎陣防禦盜口舌上
凡欲行常訣依召請兵行事如用知有驗如無作法縱
行無也



伏神廟
如我神影無空
佛禁師
伏神廟
伏神廟
伏神廟

伏神廟土地溫容三落水鬼
解呪咀調呪七遍存北帝王
家堂九真七祖
先師本師第二存
發土居屋宅起神葬誦
禁遊師僧尼道士魔王恰介井與無
指二獸之存為



千金翼掌訣法

神醫普救方同

天師曰若欲修之先持齋戒一如正月法斷葷味忌房
 室先取龍骨烏頭附子犀角各一兩以水三斗煮取二
 斗周身澡浴有餘者翌日用洗手面訖以盆盛貯燒香
 禹步三匝口嚼刀北面長跪密讀前啓度文訖誦所得
 禁文各三遍一依正月戒忌即成神驗
 天師曰得吾法者上士昇仙下士延年非賢勿傳殃子
 孫

又受禁法

咒曰女口禽艾一日誦七遍七日止

凡禁病大例禁一切病先須嚼楊枝去口中穢氣訖
又嚼鹽乃咒唾之若犯一切口味者卽燒牛糞灰淋取
汁飲漱服之此除腹中諸穢并作解穢符水法還得清
淨此是掌訣解穢法也

凡遊行人間有所犯穢者亦皆如之

凡欲行禁者皆須先捻鬼目若與男禁捻左手目若與
女禁卽捻右手目

一云男子行禁捻左手目女人行禁捻右手目並逐四
時王相正面向月建正心定意閉氣三捻目左營目順
天道卽成禁法用神効左營目者開左目閉右目右營

目者開右目閉左目

凡禁訖須解禁法

假令禁虎須存作師子捻虎目解之還存作虎一云男
番捻右手虎目女番捻左手虎目若欲禁狗存作虎捻
狗目若欲解之還存作狗以此例觸類長之皆須倣
此

大指第一節是生人蛇虎頭若有惡人侵犯己身罵詈
不止者緩卽捻之急卽閉氣押之左營目惡人卽怒止
也若不止卽押喉向官府門亦如之一百步外預作之
乃入官官見不瞋欲禁虎蛇亦依此法卽虎蛇避人入

草畏見人也

大指第二節是生人蛇虎喉若惡人罵詈不止與人爭者閉氣捻之急卽押之左營目令彼吃訥不能言也

第二指第一節是蛇虎目治蛇虎瘡閉氣捻之已身及他人同若見蛇虎便捻之急則瞋怒而押之

第二指第二節是鬼目欲見鬼去鬼繫鬼皆捻之急則閉氣掐之左營目九氣則鬼神立至矣呼卽去吸卽來治病捻之

第二指第三節是生人目欲藏身翳已與人鬪爭及在深山曠野皆須捻之以伏衆人之言急則閉氣掐之左

營日人不見已也

第三指頭甲下是蜂蠍及百鳥飛禽之目若人被蜂蠍螫捻之左營目五氣卽解之若不差指蠍目及人天一

道并捻掌心卽差
第三指第一節是地獄治鬼目若欲禁諸鬼神不令來去閉目向王閉氣五十息捻之急卽左營目掐之

第三指第二節下是天獄目欲禁鬼攝鬼却鬼殺鬼皆向王閉氣捻之急則掐之左營目若爲鬼魅所著或惡夢魘掐之

第三指第三節是鼠目一名天地獄治鬼目若住鬼定

鬼住神皆向王閉氣五十息捻之左營目

第四指次甲下是蚊子蚤蝨之目欲除之閉氣捻之

第四指第一節是狗目欲禁狗令不咬人及治狗瘡閉氣捻之

第四指第二節是都監目一名神都目都監者監領一切諸神都管一切諸神都管一切諸鬼欲召鬼神問其意向王閉氣五十息捻之左營目鬼神立至矣

第四指第三節是禁鬼目一名蛇胎欲行考鬼令鬼住閉鬼急捻之閉氣若入山澤畏逢蛇蟒當掐蛇胎令不來見人及已逢亦掐之蛇口噤不得開矣

第五指頭是天心欲求天神向王閉氣掐之神自感格
大佳

第五指第一節是游師目

第五指第二節是天師目

第五指第三節是三師目此皆是初學符禁法時向王閉氣捻之九十息左營目啓請卽有神驗矣掌中一理是鬼道欲誅符破墻斷鬼魍魎惡氣伐神木皆向月建閉氣五十息掐之左營目神驗

凡欲咒劾符皆須捻斷鬼道使鬼常飲之掌中一理一名鬼舍亦名地軸亦名左都監鬼道目欲誅符破廟除

社公社地或召諸鬼神須有請問及治病并欲解鬼皆
指左都監目鬼神立至矣若田野中宿指地軸令鬼賊
及神皆不敢近人若入神屋止宿恐怕不安指鬼舍卽
不魘夢

掌中一理斜文名食地食地上一殺名天文下一殺名
人道若人山澤畏逢虎狼向王閉氣指手虎口中卽不
來若已逢亦指之令虎狼閉口不開

第四指第一節名左金堂若趨事就利指之萬倍

第三指第一節名玉堂若求顯欲達捻之必遂意

第二指第一節亦名玉堂欲求官指之

論曰此掌訣直用閉氣左營目捻之無咒文也禁病則
皆須禹步誦禁文捻而用之急則瞋而指之緩而捻之
禁男用左手禁女用右手禁手之用勿失左右也

凡禹步法移步左右腳前後不同

凡欲作法必取三光氣又禹步然後作法驗矣三光者
日月星禹步者或三步七步九步不定若欲三光氣者
極晴明日向日兩腳並立先所願事隨意多少小咒之
然後取禹步三步也所欲步時先舉首以太陽光氣口
吸之至三步畢微微息出三步者從立處兩過移兩腳
始成一步三步卽是六過移腳也向日光禹步時左腳

先移右腳後移若向月星二光尚步時並右腳先移左
腳在後也但步數不同耳若向星尚步時須滿九步者
向日三步更足六步耳三三步合九步也星者卽是北
斗七星也步星尤在至誠所以須九步也於日月中或
用三步或所用七步咒願及閉氣方法並如日中作也
受三光氣時日必須明亮好晴日也日是陽月與星是
陰又左是陽右是陰是故受日氣時左腳先移受月星
氣時右腳先移又向星尚步作九步時旣長久若一氣
不得度是以三步作一閉氣則九步卽三過閉氣也咒
願並須三過又須識北斗下三台星男識免刑厄女識
免產厄問曰雖云兩過移兩腳成一步猶求可狀其狀
云何釋曰先兩腳正並立先舉左腳進前往次舉右腳
就左腳處正齊並立此猶未一步次第二又先舉左腳
進往次舉右腳就左腳住方始成一步也如此六過雙
移兩腳成三步此是步法也

護身法叙論

論曰人處昭昭鬼處冥冥當以誠信自衛然後可行苟
信不先誠則明有人非幽有鬼賁未可保其往也故欲
禁鬼邪先按鬼目欲鬼人患先捨生人喉則彼不能爲
害矣所有人喉鬼目具在本圖攻說之文今列于後

護身禁法

以下並出千金翼

咒曰諾諾畢畢左帶三星右帶三牢天龍地覆九道皆
塞使汝失心從此迷惑以東爲西以南爲北人追我者
終不可得明星北斗却閉千里六甲反張不避禍殃乘
車追我折其轆軸乘馬追我掩其兩目步行追我腫其
兩足揚兵追我刀反自伏明星北斗却敵萬里追我者
亡覓我者死牽牛織女化爲江海急急如律令

又法

太一神人曰凡欲遠行避難若爲惡人追逐危厄之中
出門禹步三咒乃去可以消災追我者迷惑五道旋轉

到還惡人欲來侵已者逆而却之咒曰

東方青毒南方赤毒西方白毒北方黑毒中央黃毒五
毒之氣今有某甲無道欲來侵吾吾被太一神符歷行
四海乘風駕雲使有限會某甲懷惡逆之心殘賊忠良
不肯休止五毒之氣并力收攝付與地官莫令某甲復
懷惡心賊害之意應時了命言切千二百等急急如律

令

若逢怨家惡人法

先却三步捻生人喉又以左足大指躡地咒曰北斗神
君來滅惡人斬截冤家某甲頭送上天門急急如太上

老君魁剛律令

又法

惡人欲來侵害者先閉氣三噓默咒勿令人聞咒曰
頭戴朱雀足履玄武左佩青龍右佩白虎吾來到處百
惡悉走吾有天丁力士推殺惡鬼遠迸千里急急如律

令

自防身禁呪法

咄某甲左青龍孟章甲寅右白虎監兵甲申頭上朱雀
陵光甲午足下玄武執明甲子脾爲貴子中央甲辰甲
戌急急如律令

右此一法凡是學人常以旦夕默誦令熟莫使聲出若
有縣官口舌軍陣危險厄難之處四方興功起土殃禍
之氣或入他邦未習水土及時行疫癘但以晨夜數數
存念誦之勿忘若弔喪問病臨尸凶禍之家入門一步
誦一遍出門三步誦一遍皆先叩齒三通并捻鬼目
又法

凡行山澤晨夜恐怖之處使人鬼惡物不相干忤咒曰
人皆濁我獨清人皆去我獨停人皆極我獨丁人皆枯
我獨榮人皆破我獨成天長地久我與并依文昌遊心
星登太玄昇紫庭飲甘露食陽精佩日月體安寧乘三

鳳駕羽英堅藏擇九天仙公以越刑急急如律令

被人所禁解之法

先捻生人喉咒曰

焯焯煌煌天有九柱地有九梁北斗七星爲我除殃青龍在前白虎在後青龍飲汝血白虎咬汝喉頭破腦裂汝死不擇日急急如律令

被人禁卽却解之法

噴之行頭及天公亦是吾師坐頭及天公亦是吾師眠臥及天公亦是吾師却看天師欲作禁吾解千禁萬惡若有禁吾反自着急急如律令

又凡人行處不安穩疑有恐怖之事卽以氣噴之便以拒禁咒之曰急令辟惡鬼除制不祥衆邪消盡魍魎迷亡神符宣流以知天惡當我者死值我者亡急急如律令

又法

凡行經神廟及斷虎狼咒

吾爲天地祭酒當爲天地頭戴日月身佩北斗急急如

律令

禁惡人鬼火法

咒曰吾是玄皇之孫太上之子口含聖真神氣付與東

西百鬼隨吾驅使君東向一唾九木析南向一唾八火
滅西向一唾金剛缺北向一唾流水絕道氣流布隨吾
所說急急如律令

禁賊盜

夫欲出行先畫地爲壇 房中六尺 庭中六步

野外六十步

置十二辰位身居甲地自呼名某乙今欲出往某處征
討時神保佑於我吉昌三言訖大呼青龍下咒曰
六甲九章天圓地方四時五行青赤白黃太一爲師日
月爲光禹前開道蚩尤辟兵青龍俠舉白虎承衡焚惑

光引辟除不祥北斗誅罰除凶去殃五神導我周遊八
方當我者死向我者亡欲惡我者反受其殃吾受北斗
之孫今日出行乘青龍出天門入地戶遊陰中履華蓋
去寇賊予楯刀弓戟弩見我摧伏莫敢當禦急急如律
令

禁賊法

唾此惡賊欲來狂圖某甲者或從東方青帝來或從南
方亦帝來或從西方白帝來或從北方黑帝來或從中
央黃帝來欲來傷害人者令其任事莫成拔刀自刺拔
箭自射吾於四道開通盜賊伏匿五兵摧折蜂蛇莫動

續金一頁九十五
犬尾辟側百步莫令相傷吾禁五方惡賊伏吾手下不得浪行急急如律令

咒童子令說鬼法

論曰書禁有祝法能令童子說鬼姓名印用山字印符用斗下符卽神應之或寓諸童子或得之病者自稱其鬼祟名姓曾不能遁其情夫鬼處於幽不可以形見而童子能得之者以無知爲知也無知則無不知矣是以見不見之形其幾於道乎

咒法

出千金翼

太上老君禁神三呼三吸以取其具東方青帝木中精

南方赤帝朱雀形西方白帝白虎身北方黑帝乘船行中央黃帝黃龍聲吾有其禁知天神蓋不自發身歸誠日南施禁火精日北施禁五帝動經吾三禁莫敢不來神道神名鬼道鬼字蠱道蠱名魅道魅字偷道偷名賊道賊字高山騰蛇下山騰蛇高山之崎下山之峻或在天上或在人間河伯將軍五道偷羅十二神將登明君天魁君河魁君傳送君小吉君勝先君太一君天岡君太衝君功曹君大吉君神后君速送速送汝名不得久停急急如律令

九天

使靈符

正法錄

一本如此

右取清水半升以刀子攪水誦此咒三七遍與小兒飲之朱書前件錄於小兒膊下一作膝下少時召鬼並來小兒自見一一問之即道所作病所作鬼抄取姓名發遣如治癩法與過所遣之如上說也

度符請啓神言

先上香咒筆以筆指口鳴鼓咒曰

謹請東方青帝老君來下纏吾筆

謹請南方赤帝老君來下纏吾筆

謹請西方白帝老君來下纏吾筆

謹請北方黑帝老君來下纏吾筆

謹請中央黃帝老君來下纏吾筆指天天清指地地寧
指鬼鬼死指人人生急急一如太上老君律令

請五方水度符言

謹請東方青龍真氣入吾水中謹請南方赤龍真氣入
吾水中謹請西方白龍真氣入吾水中謹請北方黑龍
真氣入吾水中謹請中央黃龍真氣入吾水中謹請五
方五龍真氣入吾水中吾水非常之水煮挑作湯吾刀
非常之刀七星俠傍吾口非常之口內含魁剛水在江
中名曰江水水在井中名曰井水水在吾梯中名曰清
淨神水水在吾口中名曰太上老君解穢之水吾水喚

山崩巽地地裂喚人人生喚鬼鬼滅急急如律令

灑水言

噓係天師陽平等二十四化真氣臣某弟子自稱道號
某嶽真人某先生以今月今日今時奉爲某家弟子度
某符隨符言之

度神符咒曰

日出東方光耀表裏行符初水出於老子老子行符從
吾所使東九夷從符行南八蠻從符起西六戎捉鬼軍
北五狄破鬼營中三秦從符所攝急急收錄一鬼不去
斬付北嶽天有三皇地有五黑其所行符自有法則非

當吾真當符者死值符者亡一鬼不去斬付魁剛急急如律令

又曰符主東方木折南方火滅西方金缺北方水竭中央土裂符主天清地裂人生鬼滅急急如符令

喫水三口

度神符主符啓請

謹請虛無直符直事三十六人從吾符行謹請太清直符直事今歲直符直事今月今日今時直符直事各三十六人從吾符行保某家弟子三災度脫急急如律令
喫水三口

又曰天圓地方六律六章神符燒身災厄消亡符到奉行急急如律令

禁鬼邪法

論曰人之神氣安寧則邪不能干及其衰弱鬼邪凌犯其致疾也使人悲喜不常語言失度或欲酒食而好居靜室或不食而昏睡或目瞋不開或默默不言皆其候也若此非藥石可除宜以符咒祛之

千金翼禁邪病

凡鬼邪著人或啼或哭或瞋或笑或歌或詠稱先亡姓名令人癡狂有此狀者名曰鬼邪惟須伏鬼遣之乃差

治之法於正發時使兩人捻左手鬼門鬼市兩人捻右手如左手法鬼門者掌中心是鬼市者腕後厭處是伸五指努手力則厭處是腕後者大指根兩筋中間是一捻之後不得暫動動鬼出去不得伏鬼又不得太急若太急則捻八力盡力盡則手動手動則鬼出亦不得太緩太緩則不能制鬼惟須以意消息令緩急得所復使兩人投梭子刺兩肩井中緩急如鬼門鬼市法以鬼伏爲限若不伏稍稍急刺若鬼伏即稍輕刺之若病人是丈夫肥壯者則急刺之量人之強弱消息以意若梭尖刺以布物裹之勿令人傷亦須誦咒必臣伏如狀兒中

有似伏狀不復相罵下情求首叩頭求去遣一人捉兜師目問鬼之姓名往何州縣鄉里年幾眷屬伴侶幾人又問來意有所須爲何事來一依病人口筆寫之若其神伏叩頭求去不敢更住者且停刺肩井等依其所須備覓發遣之須食與食須金銀車馬卽彩畫人馬像金銀線帛隨其形鬼悉盡作之絹帛以白紙作金以梔子染之若是遠來之鬼須給過所者亦卽給之卽日早發遣或待後發遣亦得送鬼之時須桃符一板長七寸闊三指綜縱一條長七寸以朱書版上着年號月朔日子鬼之鄉里姓名年幾從人頭數告五道大神河伯將軍

上件鬼某甲等在我家中作如此罪過捉獲正身所索之物並已具給發遣速出去不得久停不得久住急急如律令


勅水逐鬼法

習習詳詳便生水先直符使者住立水傍真正補虛邪氣消亡吾左手捉鬼右手持鉞斧斬鬼死急急如律令

禁唾惡鬼法

吾從狼毒山中來飢食眞珠渴飲武都戎鹽一把冷水一盂口含五毒常與唾居但老君之唾唾殺飛鳧唾河則竭唾水則折唾左徹右唾表徹裏銅牙鐵齒嚼鬼兩

耳速去千里不得留止急急如律令
殺鬼邪符呪



籀文 𠩺 𠩻 𠩼 𠩽 𠩾 𠩿

籀文 𠩺 𠩻 𠩼 𠩽 𠩾 𠩿

籀文 𠩺 𠩻 𠩼 𠩽 𠩾 𠩿

籀文 𠩺 𠩻 𠩼 𠩽 𠩾 𠩿

子
少耶
精
神
畏




子
狂
思
畏

子
狂
思
畏

子
狂
思
畏

以上九符係秘書省靈寶方

治無故悶絕疼痛索酒食香錢好粧梳澡浴面色黃赤
不定及叉手打人朱書吞帶之



以上參符係張盧自進治邪氣鬼魅書符法先叩齒
三通正其神氣潛祝云

長生無上天尊道君老君九天聖母房山長六丁六甲
神皆來集會同勅此丹藥寶符攝念三遍畢取太陽光
氣吹於筆上卽以朱書紙上書時閉息屈舌候書畢卽
吹氣於符上逐一道一依此行持左手掐中指中節文
書畢挑之

禁瘟疫法

論曰傷寒熱病溫病時行疫瀉所感不同其證相類率
皆風邪毒氣之傷人也湯液醪醴食炙燔皆有正方

若乃存心定氣稱誦神名丹書符印爲驅除攘辟之法
使神藏安寧邪氣自去夫豈小補

以下出巢氏病源
養生方導引法常以雞鳴時存心念四海神名三遍辟
百邪止鬼令人不病

東海神名阿明

南海神名祝融

西海神名巨乘

北海神名禺強

又云存念心氣赤肝氣青肺氣白脾氣黃腎氣黑出周
其身又兼辟邪鬼欲辟却衆邪百鬼常存心爲炎火如
斗煌煌光明則百邪不敢干之可以入溫疫之中

養生方又云封君達常乘青牛魯女生常乘駝牛孟子
綽常乘駝馬尹公慶常乘青驪時人莫知其名字為誰
故曰欲得不死當問青牛道士欲得此色駝牛為上青
牛次之駝馬又其次也三色者順生之氣也道士乘此
以行於路百物之惡精疫氣之羸鬼將揖之焉延年之
道

千金翼禁時氣溫疫病法

壹日拾禁自防難為人獸
施無限也普救方同

天封吾以德地封吾以道吾奉天威取地武吾遇石石
爛按結結散左達右貫骨達體追病所在何邪敢進進
者斬死北斗七星飲汝血此能滅手下急急如律令

禁時氣法

赤禁水沐浴身體
令淨去溫疫惡鬼

九真行道邪氣敢當元氣洞達百鬼消亡伏姦女媧五
疽地主流入四肢主作千病萬病上氣虛寒皆以風邪
鬼所為急急按急按滅絕手下急急如律令

出病家門禁法

從病家門出去門三步衝禁
閉氣左轉而去然後咒之曰

一畫成湖冉畫成海斬汝黃奴老古頭不得追吾天師
祭酒之後急急如律令便以左手畫背後地因去勿反
顧

禁疫鬼文

吾上知天文下知地理天地夫人教吾禁名能禁疫氣

鬼汝從東來名曰狗入人身中倚於心口神師咒汝汝
自走汝從南來名曰羊入人身中倚於肝腸神師咒汝
汝自亡汝從西來名曰雞入人身中倚於皮神師咒汝
汝自衰汝從北來名曰蛇入人身中倚於百脉神師咒
汝自厄科斗七枚在吾目前口是天門不得枉開若唾
東方甲乙木木折若唾南方丙丁火火滅若唾西方庚
辛金金缺若唾北方壬癸水水竭若唾中央戊己土土
裂六甲六乙瘦鬼自出六丙六丁知鬼姓名六戊六己
瘦鬼自止六庚六辛知鬼東西六壬六癸瘦鬼自死六
亥六戌百鬼速出急急如律令

禁時氣溫疫法

東方青溫吾肝中之氣南方赤溫吾心中之氣西方白
溫吾肺中之氣北方黑溫吾腎中之氣中央黃溫吾脾
中之氣五方溫在吾身中不得動作卽歸在實急急如

律令

度惡世禁法

東方青帝甲乙君南方赤帝丙丁君西方白帝庚辛君
北方黑帝壬癸君中央黃帝戊己君千乘萬騎護衛吾
身前有萬石桃湯後有萬隊將軍主斬黃奴之鬼於近
我者吾祭酒父長甲母奇仲語我使吾萬厄之中不近

我急急如律令

壹日拾念
受惡世也

禁時氣却疫法

壹日拾念萬
惡不近人也

吾是天師奈酒當爲大師驅使頭戴日月北斗七星吾有乾靈之兵十萬人從吾左右前後吾有太上老君天地父母在吾身中左手持節右手持幢何鬼不役何神不走何邪不去何鬼敢住急急如律令

禁時氣溫疫法

吾頭戴朱雀足履玄武左扶青龍右扶白虎前有萬石鏊湯後有虎賁猛士天驕甲卒在吾前後黃奴之鬼去我萬里急急如律令

禁溫疫法

存青龍白虎朱雀
玄武逐後禁之

咄汝黃奴老古知吾否吾初學道出外東方千城萬仞上紫宮靈鋼百鍊之劍利如鋒芒斬殺凶咎梟截不祥叱汝黃奴老古先出有禮後出斬爾叱叱急急如律令
唾時行頭疼法

南越太公還故鄉壬申之唾自有方神師所唾上白太一皇天使者督察不祥必若山海唾若雪霜當吾者死值吾者亡魘精魘魘自受其殃急急如律令

禁病粉粉大法

禁生
亦得

粉在紙中爲神粉舉手以摩體百鬼走出精魅魍魎應

聲散走出天皇老教我唾粉腹中跳踉五藏安穩錄保
三氣道保精神急急如律令


禁溫鬼法

天門亭長外都使欲得九卿縛鬼士非子法住左手持
刀右手持斧斫黃奴溫病之鬼何不走去前出封侯後
出斫頭急急如律令


勅溫病符法

畧同前禁
溫鬼法

天門亭長捕鬼使者收治九醜捉縛鬼子疫癘黃奴何
敢居此值吾者亡當吾者死何不速出奔走千里急急
如律令



瘟疫吞之



心熱吞之

𠄎 𠄏

卒心吞之

𠄐 𠄑

心寒吞之


𠄒 𠄓

卒寒吞之




𠄔 𠄕

以上二符
寒熱吞之

以上二符小兒患
寒熱書之於足下



以上二符
一日吞之



五日以上病者
五符並吞之

禁傷寒發汗符

Seal script for the characters '發汗吞之' (Fā hàn tūn zhī). The characters are arranged in two columns: '發' (left) and '汗' (right) on the top line, '吞' (left) and '之' (right) on the bottom line.

發汗吞之

Seal script for the characters '盜汗吞之' (Dào hàn tūn zhī). The characters are arranged in two columns: '盜' (left) and '汗' (right) on the top line, '吞' (left) and '之' (right) on the bottom line.

盜汗吞之

Seal script for the characters '心汗吞之' (Xīn hàn tūn zhī). The characters are arranged in two columns: '心' (left) and '汗' (right) on the top line, '吞' (left) and '之' (right) on the bottom line.

心汗吞之

日虫日
日虫日
日虫日

發汗吞之

日虫日
日虫日
日虫日
黃人水日角

五五
五五
五五
五五

日虫日
日虫日
日虫日
日虫日

已上四符瘟
病者吞之

子日

丑日

Seal script for the character 寅 (Yin). It consists of two vertical columns. The right column starts with a square '口' at the top, followed by three '山' (mountain) peaks, then a '日' (sun) inside a '田' (field) shape, and ends with a wavy tail. The left column starts with three horizontal lines, followed by a '田' (field) shape, and ends with a wavy tail.

寅日

Seal script for the character 卯 (Mao). It consists of two vertical columns. The right column starts with a square '口' at the top, followed by a '田' (field) shape, and ends with a large curved tail. The left column starts with a square '口' at the top, followed by a '田' (field) shape, and ends with a large curved tail.

卯日

Seal script for the character 辰 (Chen). It consists of two vertical columns. The right column starts with a square '口' at the top, followed by a '田' (field) shape, and ends with a '巳' (Si) character. The left column starts with a wavy line, followed by a '田' (field) shape, a '川' (river) shape, and ends with a '火' (fire) character.

辰日

Seal script for the character 巳 (Si). It consists of two vertical columns. The right column starts with three '日' (sun) characters at the top, followed by a '田' (field) shape, and ends with a '日' (sun) character. The left column starts with a '田' (field) shape, followed by a '田' (field) shape, and ends with a '日' (sun) character.


巳日

午日


未日

申日

酉日




戌
田



亥
日

右各依注用




病人頭痛書
額上立効

禁溫鬼印



此印以墨印紙剪取各牒之看用幾多以好綿少許
裏之更著紙重封之法如符法帶佩及安門上溫鬼
見之走千里外

斷溫鬼四十二道



門上安之
斷斬溫鬼

篆書「入」字，由上部的「入」形演變而來，下部有波狀裝飾。


壬入
法燒

篆書「門」字，由上部的「門」形演變而來，下部有波狀裝飾。



斷温帖
門戶上

篆書「戶」字，由上部的「戶」形演變而來，下部有波狀裝飾。

篆書「門」字，由上部的「門」形演變而來，下部有波狀裝飾。



以上三符戸上安之吉



𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎

斷温
門戶
上帖

𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎

𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎

𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎

以上三符辟温一人帶百人不病

以上二符辟温
庭前安之

帶肩甲
男左女右



帶之

辟温繫臂
男左女右

斷温門
戶上帖

斷温戶
壁上帖


辟温
門戶
上帖



以上二符辟温
書之桃板兩面
繫頭上



符主帶至
病家辟殃



佩之殺鬼



豐國

書桃板門戶上



語山

合

豐



辟温男左
女右佩之



辟温佩



溫衣領中帶


辟溫衣領中帶

辟溫病書奏


安門土

辟溫病書奏


安門土



宅中央帖之吉







西方帖吉



北方帖吉

右件符並依符脚下書用之



以上七符
温氣吞之


日	二	山
日	山	日
日	日	日
日	日	日

日	日
日	日
日	日
日	日


日	日
日	日
日	日
日	日

日	日
日	日
日	日
日	日


以上四符吞
温病不著人
身大吉




一日病者
吞之




二日病者
吞之




三日病者
吞之




四日病者
吞之




五日病者
吞之




六日病者
吞之




七日病者
吞之




八日病者
吞之




九日病者
吞之



十日病者
吞之



十一日病者
吞之



十二日病者
吞之

篆書「胃」字，由「月」與「胃」組成。

十三日病者
吞之

篆書「胃」字，由「月」與「胃」組成。


十四日病者
吞之

篆書「胃」字，由「月」與「胃」組成。

十五日病者
吞之

篆書「胃」字，由「月」與「胃」組成。

十六日病者
吞之




熱病書
帛及身


已上符並依符下說文用之

勅治寒熱符咒曰咄南越公還故鄉神符所到立有驗
方太白太一督察不祥寒熱之鬼值符消亡急急如律
令


辟溫疫邪注伏尸符九道 并咒在後



黃中符安在門
戶上辟鬼吉




殺溫鬼安
門上吉




行日本土天
日行日本土天
日行日本土天
日行日本土天
日行日本土天

二符安門上
辟時行溫鬼




北斗三台三台百鬼不來三台百鬼符死




老君神符殺宅中注氣非
尸朱書版安門上鬼去千
里




中黃太一符朱書
桃板安門上斷時
溫疫氣之鬼



辟疫氣時行書桃
板安大門上吉



天帝煞鬼有注鬼
尸朱書幃門上鬼
走千里之外



黃帝六字符書安
門上辟三災五溫
大吉

驅辟五方溫魔咒一道

北帝驅五方溫魔大神咒曰

東方青溫腐木之精九夷老氣因春化生神不內養外
作邪精木毒之氣入人身形或寒或熱舉體不寧九醜
之鬼知汝姓名北帝神咒攝錄汝精四明破骸北斗然
盥神刀一下萬鬼自刑邪溫衆疾不得妄生西方金精
滅汝身形伏在肝中不得動傾急急

南方赤溫大火之精八蠻老氣因夏而生神不內養外
作邪精火毒之氣入人身形或寒或熱舉體不寧三醜
之鬼知汝姓名北帝神咒攝錄汝精四明破骸北斗然

盟神刀一下萬鬼自刑邪溫衆疾不得妄生北方水精
減汝身形伏於心腑不得動傾急急

西方曰溫死金之精六戎老氣因秋而生神不內養外
作邪精金毒之氣入人身形或寒或熱舉體不寧七魄
之鬼知汝姓名北帝神咒攝錄汝精四明破骸北斗然
盟神刀一下萬鬼自刑邪溫鬼魅不得妄生南方火精
減汝身形伏於肺中不得動傾急急

北方黑溫枯池之精五狄老氣因冬化生神不內養外
作邪精水毒之氣入人身形或寒或熱舉體不寧九魄
之鬼知汝姓名北帝神咒攝錄汝精四明破骸北斗然

盟神刀一下萬鬼自刑邪溫鬼魅不得妄生中央土氣
減汝身形伏在腎宮不得動傾急急

中央黃溫糞土之精四季之氣因王而生神不內養外
作邪精五土之氣入人身形或寒或熱舉體不寧五配
之鬼知汝姓名北帝神咒攝錄汝精四明破骸北斗然
盟神刀一下五鬼自刑邪溫魍魎不得妄生東方木精
減汝身形伏在脾中不得動傾急急

五溫疫毒收付七星東方錄寬一付天庭西斗收魄知
汝姓名急消息去天帝吏兵張羅布網乘駕火車吞魔
食鬼縛汝精祟何神不走何鬼敢當咒神神自滅咒鬼

鬼目亡千千皆截首萬萬悉斬頭急急如律令

北帝曰下元生人若男若女受持五咒及醫萬民皆須沐浴身心依科行法祭醮七元尊神須清淨香果佩符符受吾神咒專心不二則七真下降神將潛扶所願從心無不稱遂若人受持吾法心不精專徒用千金終無福效

禁瘡法

論曰瘡之爲疾有感於天時者有因於人事者有得於鬼邪者內經曰夏傷於暑秋必瘡瘡此感於天時者也許仁則謂痰癖積聚居濕飲冷皆致是疾此因於人事

者也韓愈謂乘秋作寒熱繼之以符詛之說此得於鬼邪者也三者所感不同其證相類發作無時或一日三兩度寒熱或間日一發心神恍惚喜怒無恒或差而復作或減而更增經久不痊連綿歲月令人羸瘦湯液醴醢食灸熨皆有正方若乃存心定氣稱誦神名丹書符印爲驅除攘辟之法使神藏安寧邪氣自去固非小補焉

受禁瘡法

候鷲初來時以紙一張濃點筆於紙上望鷲與點鷲沒乃止後若瘡病人來向云我患瘡卽語我與備治備但

去陰押取一點塞壁孔中即愈

又法

正月元日呼牛馬時火下將筆閉氣多書紙上作鬼字氣盡乃止瘡病欲發時押取一鬼字與吞之即差

治瘡符凡用二符

瘡小兒父字石拔母字石鉞某甲

著患人姓名

患瘡人竊讀

之曰一切天地山水城隍日月五星皆敬竈君今有一瘡鬼小兒罵竈君作黑面奴若當不信看文書急急如律令

右件符必須真書前後各留白紙一行擬者竈君領上

瓦石壓之不得壓字上勿令人近符或專遣人看符亦勿令灰土傳符上若明日日出後發須令人夜掃竈君前及額上令淨至發日且令患人整衣冠立竈前自讀符或使人讀必須分明讀勿錯一字每一徧畢患人跪一拜以手振衣云病人姓某甲如此三徧了以瓦石壓兩角字向上著竈上

王良符張季伯書之急急如律令

右符依法長卷兩手握之念佛端坐

呪瘡鬼法

登高山望海水水中有一龍三頭九尾不食諸物惟食

瘡鬼朝食三千暮食八百食之不足差使來索符藥入

五歲瘡鬼須屏跡不伏去者縛送與河伯急急如律令

一云登高山望海水天公下捕瘡鬼咄汝不疾去吾家有貴客子名破頭如東山驅如東洋不食五穀但食百

鬼朝食三千暮食八百壹鬼未足催促來索急急如律令

禁瘡連年不差法

於淨處平地以手小指畫地作鬼字口中陰道病人生

時年月日姓名以磚覆之勿令知之至三七日不開永

差如三七日內開其病還復發若治必須知發時並前

預治勿使患人知之丈夫左手畫之女子右手畫之陰

爲之勿使人知大驗

禁瘡法

唾瘡鬼翁字園音作母字欲大兒羸長吳小兒知石大

女甌甌炊小女魯子因五道將軍取瘡鬼不得留停速

出速去不得停住急急如律令

禁瘡法

南山一神字銅柱出門入戶口有語捉得瘡鬼大鑊煮

南山一神字長丘早起至門遠家遊捉得瘡鬼斬却頭

南山一神字辟邪銅作觸體鐵領車斧鑿作齒金剛作

牙生吞瘡鬼三萬車北斗七星知汝姓字不得住家急

急如律令

禁瘡法

登高山望海水使螳螂捕瘡鬼朝時來暮時死暮時來朝時死捕之不得與同罪急急如律令

禁瘡法

將狗入山下使人海中有二蠱不食五穀只食瘡鬼朝食三千暮食八百一食不足下符更索速出速去可得無殃急急如律令

禁瘡法

日正中時正南立取西北桃枝結項兩手脚灰透三匝中心立刀曰頭上戴九天兩手把九弓兩脚履九江腹安四神皆出自然吾生食天育養四神上得精禁能轉人身蜈蚣蟒蛇止殺汝身并鬼子孫急急如律令

禁瘡法

先取一平磚令病人在無人處不得見人大從月建向月做以磚磨地令平以手按磚四角使不動還以手發磚立在前可磚下書北斗傍置三台外盡孤虛直取旬孤虛其北斗中畫作小鬼患人性名年幾置下在斗柄中咒曰

小鬼字某甲年若干備從台入斗瘡鬼斷後若患人時頭上先下若非患人時噴下先下若無逆順平下磚訖

若患八日一發以手二七下打塼若隔日發三七下打塼三日一發以上四七下打塼訖取塼傍土擁塼卽復左手取一把土散塼上而去慎勿反顧大驗又以故筆畫六尺方中畫作北斗形皆以北斗相應其魁衝必令開門以身左行向斗魁閉氣並足俱前而立咒曰

小鬼吾今出天門入地戶不得從我去住遂出建上之門急去不得反顧却差三七日不發與人治患還得此患必用此治欲令患人還發二七日內發之法

還取患人發以足蹴塼咒曰
小鬼爾從斗入台瘡疾還迴卽發

勅禁瘡法

書桃枝一尺欲發卽用喫病人面誦咒文二七遍繫著頭底咒曰天姓張地姓皇星月字長日字紫光南山有地地中有蟲赤頭黃尾不食五穀只食瘡鬼朝食三十暮食八百少一不足下符請索語備速去卽得無殃汝若不去縛送魁剛急急如律令

海上集驗方禁瘡法

閉氣當心書此兩字 千風書此立差

療瘡法

未發前抱大雄雞一隻著懷中時時警動令雞懷中作

大聲無不差

崔氏書瘡法

平旦日未出時閉氣書之先書額上作戴九天次書兩手心作把九江又書背上從右胛骨下向左分作兩行書之一如後法南山有一木木下不流水水中有一魚三頭九尾不食五穀唯噉瘡鬼急急如律令

又書兩脚心下作履九江

又法

令所患人未發前正南北眠頭向南五心并額及舌上七處閉氣書鬼字則差隨意任東西

又法

總書八行其下七行一準前行通而爲八山題子山題子山題子山題子準前計更有七行通前爲八行此符厭瘡鬼一去千里外急急如律令某年某月某州某縣某鄉某里姓名牒姓名則所患人也右以手把符勿開男左女右待過時久然後任開其符仍以火燒却

咒瘡法

候病者發日日未出時自執一石於水濱一氣咒云管管團團行路非難捉取瘡鬼送與河官急急如律令卽投石沉於水中勿反顧而去

又書治瘧法

額上書兩金字重胸前書兩火字並背上書兩水字並
兩手書木字單兩足下各書土字齊下作四口字重右
含水閉氣用朱書未發前書之有驗

禁尸注法

論曰太素真人保命論曰胃中有三尸九蟲變爲諸蟲
約百千數分居胃中或大小腸間若能清淨恬淡胎根
內守則尸蟲自滅橈動貪競神氣外馳則尸蟲自熾滅
則可查厖壽熾則自致夭傷是知尸注之病皆本人之
尸蟲及邪氣感通流注而致也故靈寶方論合尸注爲

一候方藥治療法固備載然血氣者人之神神本正而
不邪苟邪氣附著爲病湯劑有不能獨効者則符咒妙
術亦安可廢觀養生方謂諸濕食不見影食之使人或
卒注豈非神有所疑而邪乘之故然耶舉此則諸尸疾
狀與夫九十九注之候可一理而得

通玄先生張虛白進

去三尸惡夢咒

九天上帝

四門八靈

七政二元

三素九精

太一桃康

上詣三清

請告帝君

攝命黃寧

速召七魄

狀實神庭 若有不祥 七星神兵

但呼真靈 流燭鍊形 斬伐邪精

三神和柔 血尸沉靈 神歸絳宅

觸向利清 使我神仙 長保劫齡

急急如律令 朝暮常念之能去三尸

消三尸鍊七魄法

并咒出 普惠方

太虛真人曰 訣曰 以春乙卯日 夏丙午日 秋庚申日 冬

壬子日 冥臥時 擣取朱砂

須光雄黃者 水磨

雌黃三物 以

綿裹之 如棗大 臨臥時 以塞兩耳 中此消三尸鍊七魄之秘法也 勿令他人知之 明日日中以東流水沐浴畢

易新衣於淨室中 安床枕平臥 向上閉氣 握固良久 而微咒曰

天道有常 改易故新 上帝吉日 沐浴爲真 三氣消尸 朱黃安魂 寶鍊七魄 與我相親 此道是消鍊尸穢之上法 改真易形之要訣 但四時各取一日爲之

靈寶方 拘三魂法

并咒

每月三日 十三日 二十三日 夜臥伸足 叩齒三呼 三魂

名

靈爽胎光 幽精住

去枕伸兩足 交手心上 閉氣三息 叩齒三

存心中 赤如雞子 從內鍊三魂 胎光安寧 神保玉身 內外動徹 覺身中小熱 卽咒曰

太微立宮中皇始清內鍊三魂胎光安寧神保玉室與
我俱生不得妄動鑑者太靈若欲飛行唯宿上清若有
飢渴得飲迴水玉精

靈寶方制七魄法

每月一日十五日晦日夜伸足以掌心掩兩耳令手指
接於項後閉氣七息叩齒七通心存鼻端白氣如小豆
須臾漸大灌身上下九重氣變成上咽內青龍在目
中白虎鼻孔中皆向朱雀在心向外口玄武在兩足下兩
玉女在兩耳中著綿衣手抱火但存想之魄不去矣
千金翼禁注法

吾從天南來至北食鹽三斛飲水萬千經江量海手提
丘山口含百毒心懷蚰蜒唾天須轉唾地陷穿唾石碎
裂唾火滅烟唾鬼卽死唾水竭淵

東方之注自名醫入人體中注心根神師咒注注滅門

南方之注自名青入人體中注百脉神師咒注注卽易

西方之注自名搖入人體中注脊腰神師咒注注卽消

北方之注自名雌入人體中注心脾神師咒注注卽移

中央之注自名雉入人體中注十指神師咒注注卽死

四方之注盡已亡惟我五藏永安強急急如律令

禁注出血法

參柒通
急巽之

東方之注自名羊入人體中注腹腸神師咒注注即亡
 南方之注自名狗入人體中注心口神師咒注注即走
 西方之注自名雞入人體中注心臍神師咒注注即迷
 北方之注自名魚入人體中注六府神師咒注注即無
 中央之注自名雉入人體中注心裏神師咒注注自死
 謹告病人身中諸注殃若在心腹及胸腸或在四肢并
 中央

謹告四方諸關節急送血殃三焦關元下部膀胱若有
 若無不出者亡速去百年毒神符欲居汝處急急如律
 令

又法

注父張注母楊注兄靖注弟強注姊姪注妹姜知汝姓
 名得汝宮商何不遠去住何所望前去封候後出研頭
 前出與賞後出與杖汝今不去住何所望急急如律令
 又禁注法

東方青帝食青色之注

南方赤帝食赤色之注

西方白帝食白巴之注

北方黑帝食黑色之注

中央黃帝食黃色之注

五帝之神食十二注北斗七星食一百二十注或食土
公注或食土母注或食土子注或食十婦注或食土孫
注或食土孫婦注或食生人注或食死人注或食飛尸
遁注大注消小注滅急急如律令

又禁注法

試案

東方青注

南方赤注

西方白注

北方黑注

中央黃注

五方五注何不速去雷公霹靂欲居汝處吾唾山山摧
唾石石裂唾火火滅唾水水竭吾唾五毒逐口消滅急
急如律令

咒注文

咄吾是太山之子今爲太山所使口如天門不敢枉張
唾如毒藥氣如秋霜富吾頭者死值吾頭者亡五注之
鬼速出速去不得留藏急急如律令此咒當晨朝日出
出時遣病人淨洗手面向東方至心禮太山訖更以水
洗手至心合掌正西立師當在東正病人面向西立以
此咒之七遍便愈若不愈者明晨更如是咒之不過三
朝無不愈者

禁唾飛尸入腹急切痛法

請天上飛龍窮奇白虎眼如明星腹如建鼓齊功叩齒


主食惡鬼入食飛尸出食殃魅人生於天吞氣受道身形之中非汝所處形中五部各有所主肝爲青龍肺爲白虎心爲朱雀腎爲玄武牌爲中府主御四方上有真人赤城童子下有咸池青腰玉女各守部界不得留住方名道人教來治汝頭則法天身法北斗手爲魁剛口爲金斧主授六甲直神輔汝何鬼不走何尸不走急急如律令

按摩卒中注忤魎魎法


配陰脉十二陽脉十五二十七脉隨手上下一脉一通知汝有苦男祥女祥客死不葬骸骨消散流離道傍驚

恐馳走責人酒漿南山有一人窮奇不食五穀但食鬼皮朝食鬼父暮食鬼每食正欲升復索鬼子急急如律令


深州草澤楊涼進治傳尸符一十二通前五符各有用法在下後七符並朱書淨白紙上九之與病人吞平旦以井華水下兼於太一所在日日出時當門燒之




此符與病人
心前帶之




病人頭上
帶之吉



病人左背
上帶之



病人右背
上帶之



病人背
上帶之



續錄一百九十五

二百九

不
飛

飛




飛

飛

續錄一百九十五



二百九

通玄先生張虛白進治傳尸勞病等符三道庚申日夜
以朱書之乳香湯吞符凡書符即清靜身心燒香回西北閉氣書之




神醫普救方辟邪注伏尸符四道前一道用版書餘並

朱書



續錄一百九十五



上三符辟邪注伏尸並依古法朱書之前一道或用
版書



符禁飛尸病燒灰入蛇皮罈香鳶尾三味各少許同研
如粉用醋湯調服之然後書符四道擦作四筒紙燭火
燒令燃却吹滅用火燭頭急點腫上二七度後更書前
符貼之妙

續錄一百九十五

續錄一百九十五